



ՀՀ ԱՐՄԱՎԻՐԻ ՄԱՐԶ
ԷԶՄԻԱԾԻՆ ՀԱՄԱՅՆՔԻ ՂԵԿԱՎԱՐ

ՈՐՈՇՈՒՄ ԹԻՎ 7/8

02 Էմիլիա 2018թ.

ք. Էջմիածին

ՀԱՇՎԱՐԿՆԵՐԸ ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՄԱՐՄԻՆ ՍԱՀՄԱՆՎԱԾ ԺԱՄԿԵՏՈՒՄ
ՉՆԵՐԿԱՅԱՑՆԵԼՈՒ ՀԱՄԱՐ ՏՈՒԳԱՆՔ ՆՇԱՆԱԿԵԼՈՒ ՄԱՍԻՆ

Էջմիածին համայնքի ղեկավարը քննության առնելով թիվ 3/1 վարչական գործը՝ Էջմիածին քաղաքի, Հ.Ավետիսյան փող. թիվ 46ա հասցեում գրանցված <<ԿՈՆՍԵՐ>> ՍՊԸ-ի կողմից գույքահարկի և հողի հարկի կիսամյակային հաշվարկները տեղական ինքնակառավարման մարմին սահմանված ժամկետում չներկայացնելու համար տուգանք նշանակելու մասին, պարզեց

որ
<<ԿՈՆՍԵՐ>> ՍՊԸ-ն (հաշվառված՝ ք. Էջմիածին, Հ. Ավետիսյան փող. թիվ 46ա հասցեում /պետ. ռեգիստրի գրանցման համար՝ 38.110,01583/2005-06-10, ՀՎՀՀ՝ 04718371) հանդիսանալով Էջմիածին քաղաքային համայնքի վարչական սահմաններում գտնվող շինության և հողամասի սեփականատեր՝ <<Գույքահարկի մասին>> ՀՀ օրենքի 3-րդ հոդվածի և <<Հողի հարկի մասին>> ՀՀ օրենքի 1-ին հոդվածի համաձայն գույքահարկ ու հողի հարկ վճարող սուբյեկտ, խախտելով <<Գույքահարկի մասին>> ՀՀ օրենքի 9-րդ հոդվածի 2-րդ մասի, <<Հողի հարկի մասին>> ՀՀ օրենքի 13-րդ հոդվածի պահանջները՝ սահմանված եղանակներով չի ներկայացրել գույքահարկի և հողի հարկի կիսամյակային հաշվարկները, որի համար Վարչական իրավախախտումների վերաբերյալ Հայաստանի Հանրապետության օրենսգրքի 169-րդ հոդվածի 2-րդ մասով սահմանված է տուգանքի նշանակում՝ սահմանված նվազագույն աշխատավարձի տասնապատիկից մինչև քսանապատիկի չափով, ինչի կապակցությամբ Էջմիածնի համայնքապետարանի աշխատակազմի բյուջետային մուտքերի ապահովման բաժնի կողմից 14.08.2018թ. տրված հիշեցման թերթիկի հիման վրա 2018 թվականի հոկտեմբերի 2-ին <<Վարչարարության հիմունքների և վարչական վարույթի մասին>> Հայաստանի Հանրապետության օրենքի 30-րդ հոդվածի 1-ին մասի <<բ>> ենթակետի և նույն օրենքի 34-րդ հոդվածով սահմանված կարգով, <<Վարչական իրավախախտումների վերաբերյալ>> Հայաստանի Հանրապետության օրենսգրքի 169-րդ հոդվածի 2-րդ մասի պահանջների խախտման փաստով հարուցվել է վարչական վարույթ: Էջմիածնի համայնքապետարանի վարչական իրավախախտման դեպքերով հարուցված վարչակա և վարույթի շրջանակներում գործերի ուսումնասիրման, նախապատրաստման և հաշվառման աշխատանքների իրականացման հանձնաժողովը (այսուհետ՝ հանձնաժողով) հրավիրել և անցկացրել է լսում <<ԿՈՆՍԵՐ>> ՍՊԸ-ի ներկայացուցչի բացակայությամբ, ով պատշաճ ծանուցված է եղել, սակայն չի ներկայացել լսմանը:

Վարչական ակտն ընդունելու համար հիմք հանդիսացող փաստերը.

• <<ԿՈՆՍԵՐ>> ՍՊԸ-ն տեղական ինքնակառավարման մարմին չի ներկայացրել կազմակերպության 2018 թվականի առաջին կիսամյակի գույքահարկի և հողի հարկի հաշվարկները, չնայած Էջմիածնի համայնքապետարանի բյուջետային մուտքերի ապահովման բաժնի կողմից ուղարկված 14.08.2018թ. հիշեցման /հիմք՝ փոստային հավաստագիր առ 17.08.2018թ. AG010184683AM/:

• Հանձնաժողովի՝ 17.10.2018թ.-ի վարչական տույժ նշանակելու վերաբերյալ թիվ 1 արձանագրությունը:

Վարչարարության կարգով հարուցված և իրականացված վարչական վարույթի ընթացքում գործի փաստական հանգամանքների բազմակողմանի, լրիվ և օբյեկտիվ քննության արդյունքում, բացահայտելով գործի բոլոր հանգամանքները և հիմք ընդունելով վերոհիշյալ փաստերը վարչական մարմինը հաստատված է համարում հետևյալը.

1. <<Գույքահարկի մասին>> ՀՀ օրենքի 4-րդ հոդվածով սահմանված՝ գույքահարկով հարկվող օբյեկտ համարվող շենքերի և շինությունների հաշվառման ու գնահատման տվյալների վերաբերյալ ՀՀ ԿԱ ԱԳԿ պետական կոմիտեի աշխատակազմի ամփոփ ցուցակից քաղվածքի համաձայն <<ԿՈՆՍԵՐ>> ՍՊԸ-ն Էջմիածին համայնքի վարչական սահմաններում ունի իրեն սեփականության իրավունքով պատկանող գույք, ուստի հիմք ընդունելով նույն օրենքի 8-րդ հոդվածը և Հարկային օրենսգիրքը պարտավոր է ներկայացնել հաշվարկ տեղական ինքնակառավարման մարմիններ:

<<Գույքահարկի մասին>> ՀՀ օրենքի 9-րդ հոդվածի համաձայն՝ կազմակերպությունների համար գույքահարկի հաշվետու ժամանակաշրջան է համարվում հաշվետու տարվա կիսամյակը:

Գույքահարկ վճարող կազմակերպությունները հարկային մարմնի հաստատած ձևով գույքահարկի կիսամյակային հաշվարկը մինչև հաշվետու կիսամյակին հաջորդող ամսվա 20-ը (ներառյալ) «Հարկերի մասին» Հայաստանի Հանրապետության օրենքի 15-րդ հոդվածի «գ» կետով սահմանված եղանակներով ներկայացնում են՝

1) հարկվող օբյեկտ համարվող շինությունների մասով՝ շինության գտնվելու վայրի համապատասխան հաշվառող մարմին.

2) հարկվող օբյեկտ համարվող փոխադրամիջոցների մասով՝ իրենց գտնվելու վայրի համապատասխան հաշվառող մարմին:

2. 01.07.2016թ. հողի հարկով հարկվող օբյեկտ համարվող հողամասերի հաշվառման ու գնահատման տվյալների վերաբերյալ ՀՀ ԿԱ ԱԳԿ պետական կոմիտեի աշխատակազմի ամփոփ ցուցակից քաղվածքի համաձայն <<ԿՈՆՍԵՐ>> ՍՊԸ-ն Էջմիածին համայնքի վարչական սահմաններում ունի իրեն սեփականության իրավունքով պատկանող հողատարածքներ, ուստի հիմք ընդունելով նույն օրենքի 12-րդ հոդվածը և Հարկային օրենսգիրքը պարտավոր է ներկայացնել հաշվարկ տեղական ինքնակառավարման մարմիններ:

<<Հողի հարկի մասին>> ՀՀ օրենքի 13-րդ հոդվածի համաձայն՝ կազմակերպությունների համար հողի հարկի հաշվարկման հաշվետու ժամանակաշրջան է համարվում հաշվետու տարվա կիսամյակը: Յուրաքանչյուր հաշվետու ժամանակաշրջանի համար հողի հարկ վճարող կազմակերպությունները հողի հարկը հաշվարկում են ինքնուրույն և մինչև տվյալ կիսամյակին հաջորդող ամսվա 20-ը (ներառյալ) հարկային մարմնի հաստատած ձևով հողի հարկի հաշվարկները «Հարկերի մասին» Հայաստանի Հանրապետության օրենքի 15-րդ հոդվածի «գ» կետով սահմանված եղանակներով ներկայացնում են հողամասի գտնվելու վայրի համապատասխան հաշվառող մարմին:

2018 թվականի հոկտեմբերի 02-ին <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի <<բ>> կետի հիմքով, Էջմիածնի համայնքապետարանում հարուցված վարչական վարույթի շրջանակներում 2018 հոկտեմբերի 17-ին հրավիրվել է լսում, որին մասնակցելու նպատակով պատշաճ ծանուցվել է /հիմք՝ 02.10.2018թ.-ի փոստային հավաստագիր AG011697199AM/<<ԿՈՆՍԵՐ>> ՍՊԸ-ն:

Վերջինս, պատշաճ ծանուցված լինելով վարչական վարույթի անցկացման վայրի և ժամանակի մասին, չի ապահովել իր ներկայացուցչի մասնակցությունը վարչական վարույթի լամանը: Արդյունքում հանձնաժողովը արձանագրություն է կազմել և առաջարկել մասնակից <<ԿՈՆՍԵՐ>> ՍՊԸ-ին ենթարկել վարչական պատասխանատվության և նշանակել վարչական տուգանք, գույքահարկի և հողի հարկի հաշվարկները սահմանված ժամկետում չներկայացնելու համար՝ յուրաքանչյուրի դեպքում՝ սահմանված նվազագույն աշխատավարձի քսանապատիկի չափով՝ 20 000 /քսան հազար/ ՀՀ դրամ:

Վարչական ակտ ընդունելու հիմնավորումը.

Համաձայն ՀՀ Սահմանադրության 60-րդ հոդվածի ութերորդ կետի՝ յուրաքանչյուր ոք պարտավոր է մուծել օրենքին համապատասխան սահմանված հարկեր, տուրքեր, կատարել պետական կամ համայնքային բյուջե մուտքագրվող պարտադիր այլ վճարումներ:

Համաձայն <<Տեղական ինքնակառավարման մասին>> ՀՀ օրենքի 38-րդ հոդվածի 1-ին մասի 3-րդ կետի՝ համայնքի ղեկավարը որպես սեփական լիազորություն, օրենքով սահմանված կարգով կազմակերպում է գույքահարկի, հողի հարկի, տեղական հարկերի, տուրքերի և վճարների, համայնքի վարչական սահմաններում գտնվող համայնքային և պետական սեփականություն համարվող հողերի, համայնքի սեփականություն համարվող գույքի վարձավճարների գանձումն ու վերահսկումը:

Նույն հոդվածի 4-րդ կետի համաձայն՝ տեղական հարկերը, տուրքերը և վճարները չվճարող անձանց նկատմամբ օրենքով սահմանված կարգով կիրառում է համապատասխան միջոցներ:

Համաձայն <<Տեղական ինքնակառավարման մասին>> ՀՀ օրենքի 35-րդ հոդվածի առաջին մասի 26-րդ կետի՝ համայնքի ղեկավարը՝ օրենքով նախատեսված դեպքերում և կարգով անձանց ենթարկում է վարչական պատասխանատվության:

Համաձայն <<Գույքահարկի մասին>> ՀՀ օրենքի 9-րդ հոդվածի 2-րդ մասի՝ գույքահարկ վճարող կազմակերպությունները հարկային մարմնի հաստատած ձևով գույքահարկի կիսամյակային հաշվարկը մինչև հաշվետու կիսամյակին հաջորդող ամսվա 20-ը (ներառյալ) «Հարկերի մասին» Հայաստանի Հանրապետության օրենքի 15-րդ հոդվածի «գ» կետով սահմանված եղանակներով ներկայացնում են՝ հարկվող օբյեկտ համարվող շինությունների մասով՝ շինության գտնվելու վայրի համապատասխան հաշվառող մարմին:

Համաձայն <<Հողի հարկի մասին>> ՀՀ օրենքի 13-րդ հոդվածի՝ կազմակերպությունների համար հողի հարկի հաշվարկման հաշվետու ժամանակաշրջան է համարվում հաշվետու տարվա կիսամյակը: Յուրաքանչյուր հաշվետու ժամանակաշրջանի համար հողի հարկ վճարող կազմակերպությունները հողի հարկը հաշվարկում են ինքնուրույն և մինչև տվյալ կիսամյակին հաջորդող ամսվա 20-ը (ներառյալ) հարկային մարմնի հաստատած ձևով հողի հարկի հաշվարկները «Հարկերի մասին» Հայաստանի Հանրապետության օրենքի 15-րդ հոդվածի «գ» կետով սահմանված եղանակներով ներկայացնում են հողամասի գտնվելու վայրի համապատասխան հաշվառող մարմին:

<<Վարչական իրավախախտումների վերաբերյալ>> ՀՀ օրենսգրքի 169¹ հոդվածի 2-րդ մասի համաձայն՝ հայտարարագիրը կամ հաշվարկը կամ օրենքով կամ այլ իրավական ակտերով սահմանված այլ փաստաթուղթ, բացառությամբ ֆինանսական հաշվետվությունների, հարկային մարմիններ կամ օրենքով սահմանված դեպքերում տեղական ինքնակառավարման մարմիններ սահմանված ժամկետում չներկայացնելը՝ առաջացնում է տուգանքի նշանակում՝ սահմանված նվազագույն աշխատավարձի տասնապատիկից մինչև քսանապատիկի չափով:

Տվյալ պարագայում <<ԿՈՆՍԵՐ>> ՍՊԸ-ի կողմից էջմիածնի համայնքապետարան չեն ներկայացվել գույքահարկի և հողի հարկի հաշվետվություններ:

Ելնելով վերոգրյալից և ղեկավարվելով ՀՀ Սահմանադրությամբ, ՀՀ Հարկային օրենսգրքի 447-րդ հոդվածի 3-րդ կետի, <<Տեղական ինքնակառավարման մասին>> ՀՀ օրենքի, Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասի, <<Գույքահարկի մասին>> ՀՀ օրենքի 9-րդ հոդվածի, <<Հողի հարկի մասին>> օրենքի 13-րդ հոդվածի և <<Վարչարարության հիմունքների և վարչական վարույթի մասին>> ՀՀ օրենքի 53-րդ, 58-60-րդ հոդվածներով՝

ՈՐՈՇՈՒՄ ԵՄ

1. <<ԿՈՆՍԵՐ>> ՍՊԸ -ից հոգուտ Էջմիածին համայնքի բյուջեի գանձել 40 000 /քառասուն հազար/ ՀՀ դրամ, որպես հաշվարկները տեղական ինքնակառավարման մարմիններ սահմանված ժամկետում չներկայացնելու համար նշանակված տուգանք, որից 20 000 /քսան հազար/ ՀՀ դրամը՝ 2018թ. -ի առաջին կիսամյակի գույքահարկի հաշվարկի տուգանք և 20 000 /քսան հազար/ ՀՀ դրամը՝ 2018թ. -ի առաջին կիսամյակի հողի հարկի հաշվարկի տուգանք:

2. Սույն որոշումը կարող է դատական կարգով բողոքարկվել ՀՀ վարչական դատարան՝ <<Վարչարարության հիմունքների և վարչական վարույթի մասին>> ՀՀ օրենքի 70-րդ և ՀՀ վարչական դատավարության օրենսգրքի 73-րդ հոդվածներով նախատեսված կարգով՝ դրա ուժի մեջ մտնելու օրվանից երկամսյա ժամկետում:

3. Սույն որոշման պահանջները չկատարելու դեպքում, <<Վարչարարության հիմունքների և վարչական վարույթի մասին>> ՀՀ օրենքի 88-րդ հոդվածով սահմանված կարգով այն ենթակա է հարկադիր կատարման՝ ՀՀ ԱՆ ԴԱՀԿ ծառայության միջոցով՝ անբողոքարկելի դառնալուց հետո եռամսյա ժամկետում:

4. Սույն որոշումն ուժի մեջ է մտնում կողմերին իրազեկելուն հաջորդող օրվանից կամ սույն որոշմամբ ուղղակիորեն շոշափվող անձանց վերաբերյալ տեղեկությունները հայտնի չլինելու դեպքում՝ հրապարակման պահից, azdarar.am կայքի և /կամ համայնքապետարանի տեղեկագրերում հրատարակելու միջոցով:

ԷԶՄԻԱԾՆԻ ՀԱՄԱՅՆՔԻ ՂԵԿԱՎԱՐ



Դ.ԳԱՍՊԱՐՅԱՆ